

“Ntshaleng Morago”

~

Go Latela Keresete Ya Phelang

By

Khotso Mokoena

Bukana ena e tlhalosa ka mkgwa o re tshwanetseng go latela Jesus, ka go tsamaya ka Mowa, re sa tlhalo re iphelela mme re phelele Morena ya re swetseng le go tsoga lesong boemong ba rona.

Pitso ya barutwana ba Keresete

Fa Keresete Jesu a ne a phela mo lefatsheng pele a bapolwa, a tsoswa lesong, le pele a goletswa go nna letsogong le le golo la Modimo. O ne a bitsa barutwana ba gwagwe, a ba raya a re, **“Ntshaleng Morago”** (Johane 1:43).

Johane Mokolobetsi, o ne a bakanyetsa Keresete tsela, o ne a bona Jesu. Modimo o ne a mmula matlho gore a bone gore Jesu o ne a rometswe mo lefatsheng go dira thato ya Modimo. Ya re a bona Jesu a re, “Bonang kwana ya Modimo” Johane 1:36. Barutwana ba babedi ba Johane fa ba utlwa se, ba ne ba tlogela Johane-moporefeta, mme ba latela Morena Jesu. Anterea mongwe wa barutwana, o ne a ya go batla monnawe e bong Simone, a mo raya a re, “re bone Keresete”. Mme Simone a simolola go latelela Keresete. Ya re kamoso, Jesus Keresete o ne a bona Filipino, mme a mo raya a re, **“Ntshale Morago”**. Filipino o ne a ya go batla Nathanaele mme a mo raya a re, “re bone ene yo Moshe le baporofeti ba kwadileng ka ena”. Nathanaele fa a kopana le Jesus Keresete a mo raya a re, “Moruti; o morwa wa Modimo, o kgosi ya Isiraele” Johane 1:35.51.

Morago ga gore Jesu Keresete a bontshe dikgakamatso go bana ba zebedie, ba ne ba tlogela tsotlhe tse ne ba di dira, mme ba mo sala morago (Luke 5:1.11). Go ya ka dikwalo tsa Mathaio, Jesu o ne a raya Anterea le Simone a re, **“Ntshaleng Morago, mme ke tla le dira batshwara batho”** Mathaio 4:19. Fa ne Jesu Keresete a bitsa Mathaio, o ne a re, **“Ntshale Morago”** Mathaio 9:9. Re bona gore go barutwana, Jesus e ne ele “Moruti, Keresete, Yo Moshe le baporofeti ba kwadileng ka ena mo bukeng ya Molao, Morwa Modimo, Kgosi le Morena”.

Jesu o biditse barutwana bagwe botlhe go tla go mo sala morago. Barutwana ba ne ba bitsa barutwana ba bangwe, go sala Jesu morago. Ba ne ba sa salana morago, botlhe ba ne ba latela Jesu.

Re lemoga gore Jesu Keresete ga a ke a bitsa barutwana ba gagwe go ya ‘kerekeng ya le ina le le rileng’, kgotsa go latela moruti o o riling, kampo go latela phutego ya se keresete e e riling, kgotsa go ipitsa ka leina la sedumedi le le riling, kgotsa go latelela tumelo ya sekeresete e eriling, kampo dithuto le melao ya sekeresete e e riling, kgotsa go latelela chelate le metlholo. O biditse barutwana ba gagwe go tla go ene, le go sala ene morago, jaaka e le Morena yo o phelang. Botlhe ba ne ba kgobakana mo go Jesu, ba ne ba latela Jesu, ka tumelano ya pelo le maikalelo. Botlhe ba ne ba latela Keresete, ke ka go Judas o ne a itemosa go sa nne morutwana wa nnete a le esi, mme botlhe ba ne e le barutwana ba nnete ba bolokegile mo go Jesu. Barutwana ba ne ba sa salana morago, fela botlhe ba ne ba setse Morena a le esi morago. Jesu Keresete yo e leng tsela, nnete le bophelo. A re gopole gore molaetsa wa Modimo go lefatshe le na, Ke motho e bong, Jesu Keresete!

Jesu Keresete o ne a fa taelo go botlhe ba ba tla mo latelang. O ne a re go bona botlhe, “Fa motho mongwe a rata go ntshala morago a a iitatole, a tseye sefapano sa gagwe ka malatsi otlhe, mme a **ntshale morago**” Luke 9:23. Fa ne Jesu a bua taelo ena go barutwana bagwe, o ne a setse a dirile metlholo e metsi. O ne a setse a kaetse barutwana ba gagwe ka mokgwa o ba tshwanetseng go phela ka ona. Le bone ba ne ba setse ba tlogetse tsotlhe go mo sala morago. Mme go bona le go rona, Morena a re “iitatoleng (tlogela tsela le thato ya gago) mme o tseye sefapano (mokgoro) wa go, o ntshale Morago” Mareko 8:34.

Ba ne batla tsaya mokgoro wa bone jaang? Gone sefapano sa bone ke eng? Le go reng ba tshwanetse go tsaya sefapano sa bone?

Go le gantsi sefapano se tshwantshiswa le lesa. E ne e le tsela e dirukhuthi le batlola molao ba ne ba otlhawa lesong ka yona (Luke 23:23). Go ya ka molao wa Moshe, motho yo one a atlholwa lesa la mofuta o, o ne a na le dikgaba, a rogakilwe ke Modimo, (Deuteronomy 21:23). Ke ka goo Keresete a re lokolotseng, sebeng le thogakong ya molao, ka go rogakiwa le go hutsega mo boemong jwa rona (Bagalatia 3:13).

Jesu Keresete ga ise a leofe. O tlile mo lefatsheng, a rometswe go dira thato ya Papa. A latlha tlhago ya gagwe ya botho le thato ya botho, a itima tshwanelo ya botshelo jwa gagwe. O Jarile sefapano, a sotlega, a diriwa dilo tse di setlhogo, ka thato ya Modimo. O fitile mo matlhabisa ditlhong, a ketekiwa, gwa tshegiswa ka ena (Isaia 53). O ne a rwala thagako le kotlhao e e tshwanetseng rona, ka ntlha ya dibe tsa rona, fela ga a ke a itwanela kgotsa a ipusulosetsa bosula ka bosula o ne a tlogela kgetse ya gagwe matsogong a Modimo (1 Petoro 2:21.24). O ne a swa lesa la dirukhuthi, le ga e le gore ka tlhago ya gagwe o ne a siame, a galalela, a le boitshepo mme a se na molato. Bosula ba sebe sa motho bo ne ba pegwa go Jesu Keresete kwana ya Modimo.

O swetse melato e batho ba e dirileng kgatlhonong le Modimo, a rwala dithogako a di baya mo godimo ga gagwe, tse di tlisang ke molao. Tse di neng di tshwanetse rona botlhe ka ntlha ya sebe.

Re a itse gore re ka se itshwele dibe tsa rona ka gonne, go ya ka tlhago re mo tlase ga sebe. Re a itse gore re ka se swele go ntsha dibe tsa rona le tsa ba bangwe. Ke eng jaanong se go ithwalela sefapano sa rona go tsamaisanang le gona? Go akaretsa go latlha tlhago ya setho le thato ya rona, le ditsela tsa rona tsa lefatshe le maano a rona, le matlhale a rona a lefatshe, le go ipusa ga rona mme go amogela, le go obamela, le go dira/ phela ka thato ya Modimo. Se se akaretsa le go tswetsa tshotlakako ya Keresete mo go rona, mme re e tsaya fela jaaka boitumelo mo moreneng (Jakobe 1:2). Go akaretsa go kgomarela le go phela ka kaelo ya lefoko la Modimo, go tshela go ya ka thato le thuto ya gagwe, jaaka Mowa oo boitshepo a re fa bokgoni e bile a re matlafatsa.

Seo se ka raya gore gongwe re ka fetoga ditshegiso mo matlhong a lefatse. Kgotsa re ka fetoga go sa nne, sepe se se golo, kgotsa se se kgathisang mo matlhong a lefatse. Keresete o ne a itse gore, "Ga se thato ya me, fela ke thato ya gago e e tla phetagalang Papa"(Luke 22:42). Gape Jesu o ne a re, "Bonang ke tlile, go kwadile ka ga me mo dikwalong tsa ga Dafita. Ke itumela thata go dira gorata ga gago Modimo wa me, ka gone ditaello tsa go dikwadilo mo pelong ya me" (Pesalome 40:8).

Go rata ga Modimo e ne e le gore Keresete e nne kwana ya setlhabelo le go swela dibe tsa botlhe mo sefapanong (Isaia, Pesalome 22). Aborahame o tlhalositse sena sentle fa a re "Modimo o tlaa ipatlela kwanyana ya tshupelo ya phiso" Genesise 22:8. Ka boamaruri Modimo, o rometse Keresete go nna Kwanyana ya tshupelo ya phiso.

Fela morago ga lesa ya kwana ya Modimo e bong Jesus Keresete ke tsogo e e tlišang botshelo, gape morago ga tsogo ke go goletswa tulong e e boitshepo, fa go tlišang ditshegofatso tsotlhe tsa se mowa le Keresete a tsaya bonno mo go bo mmonawe ba le bantsi.

Jaanong barutwana ba tla tswelela jaang ka go itima go busa ke tlhago ya setho? Ka fa tlhago ya setho e busa ke sebe? A gona go ka kgonagala gore barutwana ba tseye sefapano se go ya ka sona e leng bokao ba kemo ya sebe? Gape e le sesupi sa katlholo ya lesa, e e tšwang kwa Modimong, ka ntlha ya sebe? Gape ba ne ba ka se itshwele dibe, ka fa ba busa ke sebe go tšwa tsalong. Nyaya le seng! E tota e le taelo e e sa kgonagaleng gore bona kgotsa rona re ka e dira. Go tsaya sefapano tsatsi le tsatsi ke sengwe se se ka se dirwe ke motho mogwe le mongwe fela, mme se ka dira ke Jesu ka sebele!

Leso la bona le lesa la rona le le tlišwang ke sebe, le balwetse mo go Keresete Jesu, gape dibe tsa rona di baletswa go Jesu. Katlholo ya rona e wetse go Jesu Keresete. Tlhago yotlhe ya bolele jwa botho, e Modimo a sa e rateng e fedile ka lesa mo go Jesu Keresete kwa sefapanong. Jesu Keresete ga a ne a bapolewa o tsere botho botlhe ba bolele a swa le bona. Ke ka go difapano tsa rona botlhe di rwele ke Keresete. Sena se raya gore botshelo ba rona ba setho le bolele bosule le Jesu Keresete kwa sefapanong.

Morago ga loso ke tsogo ya Keresete e e tlišang tlhago ya rona e e ntsha, e e dirilweng ka setshwano sa Modimo. Tlhago e na ke tsalo ya botshelo jwa rona jo bontsha e e phepa, e e senang bolele, e e saimeng, e e galalelang e e boitshepo. Seo se raya gore mo matlhong le nneteng ya Modimo mongwe le mongwe ya dumetseng Jesu Keresete ke motho yo montsha. Botshelo ba kgale bo fitile, mme bo bo ntsha bo gorogile (2 Bakorinthe 5:17). A lerato la Modimo a neela Morwa wa gagwe e bong Jesu, a re tšwarela melato ya rona, a tlosa dibe tsa rona, a fetola pelo tsa rona, a fedisa tlhago ya rona ya kgale, a re fa tlhago e ntsha, ka go Mowa ya rona e kgona gore Papa go Modimo motlhodi wa magodimo le lefatse!

Morago ga go re Keresete a tsoge mo baswing o ne a tšholeliwa go ya lefelong le le kwa godimo dimo kwa legodimong, a re romelela Mowa oo Boitshepo, yo o re tlišetsang ditlhogonolofatso tsotlhe tsa mowa, maitemogelo le bonnete ba ba botshelo jwa rona jo

bo ntshwa mo go Keresete. “Jaanong Keresete o tsholeditswe mo lefelong la tlotlo e e kwa godimo dimo kwa legodimong mo letsogong la moja la ga Papa, jaaka a tshepitsitse, o mofile Mowa oo Boitshepo gore a o tshele mo go rona” (Ditiro 2:33).

Fela, le fa gontse jalo, Morena Jeso o laetse; “lesang ditsela tsa lona tsayang sefapano sa lona letsatsi le letsatsi mme lo ntshale morago”. Le fa e le gore ka matla a rona ga se selo se re ka sekgonang, segolo- bogolo ntlha ya go swa bowena, go swa go sebeng le go swa go molaong.

Fela re setse re sule go sebeng le go molaong mo go keresete (Baroma 7:4.6). Gape ka gonne re tsoglile le Keresete, re amogetse botshelo jwa Keresete bo bontsha ka mo go rona, e bile Mowa o o Boitshepo o mo go rona. Bo rona bo sule, ka gonne re sule le Keresete. Borona ke botshelo jwa kgale jwa sebe jo bo bapotsweng le Jesu Keresete. Mme Keresete ke botshelo bo bontsha mo go rona.

Jaanong re tsaya sefapano gore re direng ka sona? Ke go nna re tswelela ntse re ipona re tlhopa go tshela ka botshelo jo bontsha jwa Keresete le go tshela Ka Mowa. Go tswelela go ithuta go boifa Modimo le go tlhopa go obamela ditaelo tsa gagwe le ketelopele ya gagwe. Go tswelela go latlha thato ya rona le ditsela tsa rona tsa matlhale tsatsi lengwe le lengwe. Le go tlogela tsela ya sebe, mme go letlelela thato ya Modimo ka ga rona e diragale. Go tsweletsa go tshela mo tshotlakong ya ga Keresete, se se pakang bo nnete ba tumelo ya rona e e molemo go gaisa gauta (Bona 1 Petoro 1:7).

Tlhago ya kgale ya sebe le borabele e fedisitswe mo go Keresete. Ditshegofatso tsa semowa tsa tlhago e ntsha, tse e leng Keresete yo phelang mo go rona- e leng bopelo phepa, kagiso, tidimalo ya mowa, boitshokelo, bopelotelele, boitumelo le lerato mo Moweng oo Boitshepio ke mpho ya mpho fela go Keresete. Fela re tshwanetse go tlhopa go phela ka tsela ena tsatsi le letsatsi.

Ka jalo go bitsa barutwana ga Keresete ga go ise go fetoge. Entse e le tlaya lo “Ntshale Morago”. Ke ka bonako bo bo kae bo re salang dithuto tse dintsha tsa sejwalejwale morago? Borra metlholo le dithuto tsa bona tse di rutang dipelo tsa rona go eletsa dikhumo tsa lefatshe lena, le go rata madi? Ke ga kae re tlogela Jesu mme re ya go latela borra tlotso ka ntlha ya fa re batla khumo, ka fa pelo tsa rona di supa go rata dilo tsa lefatshe lena? Jesu, Morena, Mmoloki, Moruti, Morwa wa Modimo, Kgosi yo o busang ka fa go rona, Moshe, Eliyah, Isaka, Samuele, Adamo o Montsha wa rona, jalo le jalo. Ke ka bonako bo bokae re tlogela Jesu Keresete mmueledi wa rona, Moporofeti le Moruti wa rona, tlhago le Moeteledipele wa rona e be re sianela go sala dilo di sele morago?

Modimo o re iiphile, o re file bo jotlehe jwa gwe go Keresete jaaka mpho ya rona. O re biditse gore re mo sale morago. Gore re itime borona re tseye sefapano sa rona tsatsi le letsatsi, mme re mo latele. Se ke go jaara sefapano sa rona, le go latela morena: “Jaaka le amogetse Keresete Jesu e leng Morena wa lona, tswelelang go tshela mo go ena, tsamaya go ena, tswelela ka go mo sala morago, lo ageletswe mo go ena ebile lo goleng mo tumelong” (Bakolose 2:6).

“Tshela ka Mowa oo Boitshepo- letlelela Mowa oo Boitshepo o laole-tsamaise matshelo a lona” (Bagalatia 5:16).

“Jaaka re tshela ka Mowa, tla re saleng boeteledi pele ba Mowa mo karolong nngwe le nngwe ya matshelo a rona” (Bagalatia 5:25).

“Apara Morena Jesu Keresete, mme o se fepe se nama e se batlang, go isa godimo dikeletso tsa nama” (Baroma 13:14).

Tlogela ditiro tse di leswe tsa kgale di tsamaile le motho was kgale, di bapotswe le wena le Keresete mo sefapanong. Jaanong se ye kwa sefapanong letsatsi le letsatsi go swa, o bapotswe le Keresete gangwe fela go swela ruri. O sule le ena mme wa tsoswa mo botshelong jo bo ntshwa le ena mme o tsholeditswe gape le Jesu. Keresete tsholeditswe a be a dira bonno ba gagwe mo go wena, jaanong tshela mo go ene.

Se ke go tsaya sefapano sa gago go tlhopa thato ya Modimo tsatsi lengwe le lengwe, e seng go ya ka botlhale ba gago fela go tshela ka Mowa oo Boitshepo. Bolaya dilo tsa bosatane tse di phelang ka fo pelong ya go. Dira se ka go tlhopa le go obamela ketopele ya Mowa ka Malatsi otlhe. Ntshafala jaaka o ithuta go itse Keresete, letlelela kagiso ya gagwe go busa pelo ya gago. Tshela ka Mowa mme o kase diragatse dilo tse di bosula tse di ratwang ke pelo ya gago (Bagatia 5:16).

Fa Morena a ne a tlisa bana ba Isiraele kwa kanana, lefatsheng la boikhutso. Ga a ke a bolaya dira tsa Maiseraele tsotlhe ka bonako. O bile a tlogela dira dingwe go ruta bana ba bantsha ba Iseraele ntwana, le go bona gore a batla ithuta go boifa le go obamela Modimo (Baatlhodi 3:2.4). Ka maswabi Iseraele ga ya boifa le go obamela Modimo mme e setse morago ditsela tsa boleofi, tsa baitemokanyi ba ba neng ba ba dikaganyeditse.

Tlhago ya kgale, e e leng ya boikepi ga e sa tlhole e le teng. Fa re amogetse Jesu Keresete tlhago ya Modimo e ka fa go rona. Keresete ke bophelo bo bo ntsha mo go rona. Fa re lebelela kwa morago kwa go Iseraele, seo ke temoso mo go rona gore re dibopiwa tse o di golang mo semoweng, fela gaise re itemogele matlhogonolo otlhe a semowa a e leng a rona mo go Keresete. A re seka ra kopakopanya botshelo jo bo ntsha le tlhago ya kgale, ra bo re kopanya se se ntsha le sa kgale, se se tshelang le se se suleng. A re obamele Papa wa rona yo o re fileng Mowa wa gagwe mme re tsamaye mo go ena. Gore re kgone go gola rotlhe ka bonako, re kgone go fitlhelela mo boemong ba ga Keresete. A re seke ra kopakopanya letlhoo le lorato, boikgogomoso le boikobo, go sa itshwarelana le go itshwarelana, Boitumelo le Bosula, Bopelo Phepa le Bopelo Leswe, a re tlhogeke dikeletso tsotlhe tsa senama. Ka gone Modimo o re biditse gore re tshwane le ona. A re lateleng Mowa oo Boitshepo jaaka o re bontsha gore ke sera sefe sa Keresete kgotsa sengwe sa tlhago ya kgale se tlhokang go tswa mo Pelong tsa rona.

Fa ne Maiseraele ba palelwa ke go koba Dira tsa bona, ba ne ba di pateletsa gore di ba direle jaaka makgoba. Fela maikalelo a Modimo e ne e le gore ba kobe dira tsotlhe mo lefatsheng la Kanana (Baatlhodi 1:19.26). Modimo o ne a tshepeditse gore ena ka sebele o tla tlosa dira tsotlhe, fela fa Maiseraele ba ka obamela ditaele le Melao ya

Modimo (Ekesoda 23:20.32). A re tseyeng bokao bona, mme regopole gore ke ka go tshepa le go kgomarela Mowa oo Boitshepo le go tshela go ya ka ketelopele ya gagwe, go re o kgone go tlosa le go koba dira tsa ga Keresete mo di pelong tsa rona. Ga se ka matla a rona. Ga re ka mekamekana le Sera se se golo saga Modimo e leng sebe, ka matla a rona, re tlile go palelwa jaaka Maiseraele ba paletswe. Mme ra tshela ka dithata tsa nama, ka nako eo re ntse re le mo go Keresete (1 Bakorinthe 3:3). Kgotsa ga re lemoge gore, “Dithata tsa nama di tlhabana le Mowa, le Mowa o tlhabana le nama; gone dilo tse di a ditlhabana; e le gore le se ka lwa dira tse lo di ratang fela” Balagatoa 5:17.

A re netefalediweng ba o ba e leng ba Keresete ba bapotswe nama, le dikgotelo dithata tsa yona le tseo e di eletsang (Bagalatia 5:24). Go diragetse! Karolo ya rona ke go itse le go itemoga gore re bapotswe le Jesu Keresete le gore re filwe bophelo bo bo ntsha mo go Keresete yo o tsholeditsweng. Ikanye Mowa oo Boitshepo go re tsamaisa mo nneteng ena.

Gape Morena o laetse Maiseraele gore ba seka ba ekisa ditso le maemo le ditsela tsa baitemokanyi ba o ba ba dikaganyeditseng (Ekesoda 23:20.23). Ke ka pele jang, Kereke- mmele wa Keresete o ekisa ditso, le ditsela le diketso tsa lefatshe, ba rapela Modimo was madi, e bile ba eteletswe pele ke dithata tsa nama, e bile ba ipusa? Bangwe ba latela moetapele yo, bangwe ba latela moetapele yole! Bangwe ba re ke wa kereke e, bangwe bare ke wa kereke ele! Paulo o boditse a re, “a go kgaogana go ga se bopaki ba gore re laolwa ke dithata tsa nama, le tlhago ya bodira dibe, jaaka lefatshe?” (1 Bakorinthe 3:4). Marago ga tsothe ke mang moporofeta mang mang kampo moruti mang mang? A yo mongwe wa bona o swetse dibe tsa gago? A kgotsa o kolobeditswe mo leineng la gagwe? Fela go Kereke ya nnete e e salang Keresete morago, ka bongwe ba pelo le tlhologanyo le mokgwa, Mowa oo Boitshepo o boeletsa taelo e le ngwe jaaka a ne a buile go Maiseraele:

“Le seka la sala ditso le ditiro, le mekgwa ya nako eno le ya lefatshe leno, fetogang ka go ntshafatsa menagano ya lona, gore le lemoge mo e leng go rata ga Modimo, mo go molemo, le mo go lebosegang le mo go itekanetseng” (Baroma 12:2).

Go tlosa sebe se o se re tshwarang bonolo le go kgaogannngwa le dithata tsa nama le tlhago ya setho mme re tsene mo Modimong re apare botho bontsha- re bopiwe gore re nne jaaka Modimo mo bo phepa le tshiamo ya nnete le boitshepo le go ntshafatswa mo kitsong le tebe go ya Mmopi wa rona, e bong Keresete Jesu (Baefetso 4:24 le Bakolose 3:10).

Go Tshela Ka Mowa O O Boitshepo

O amogetse mowa o o boitshepo, gape o tshela ka fa gare gago. “Kgotsa ga le lemoge gore Mowa wa Modimo o tshela mo go lona?” 1 Bakorinte 3:16b. Jaanong ga lo tlhoke ope go lo ruta se eleng nnete. Ka gonne Keresete- Morena ya tshelang mo go lona o le ruta tsotlhe tseo le tlhokang go di itse. Gape o ruta se e leng nnete, ga se maaka! Jaanong jaaka a le rutile, nnang mo go ena keresete, morena was matshelo a lona (bona 1 Johane 2:26).

Mowa o o boitshepo o tshela mo modumeding mongwe le mongwe, go sa kgatalesege gore modumedi o o monnye kgotsa o mogolo. O ne Mowa yo o leng mo mothong o rutang, o teng gape le mo mothong yo a leng montsha mo tsalong ya se moya. Se se raya gore fa Mowa o le teng mo go botlhe, e bile ele ona o o rutang, badumedi botlhe ba kgona go utlwa ditaello tsa mowa wa Modimo yo o tshelang mo go bona. Gape ba kgona go rutwa nnete ke Mowa wa Keresete Jesus. Jesu o buile a re fa Mowa wa nnete o tla go lona, o tla lo itsise nnete yotlhe (bona Jahane 16:13).

Go na le botsalano ba boruti le moithuti magareng ga bana ba Modimo. Mo botsalanong bona re fitlhela badumedi ba ise bagole sentle mo tumelong, ba lebelela ba o ba setseng ba godile sentle mo tumelong gore ba bathuse go tlhaloganya nnete ya Modimo. Ka dinako dingwe Modimo o dirisa Motho go senola nnete ya lefoko la gagwe ko baneng ba gagwe; fela bana ba Modimo ga ba tshwanela go letlelela motho yo o barutang gore a tsene boemong ba Moruti wa nnete e leng Mowa o o Boitshepo. Keresete Jesu o file molao go barutwana ba gagwe, a re: “Se letleleleng ope a le bitsa Rabi (Moruti), gonne Moruti wa lona o mongwe fela, mme lona lotlhe le bomorwa Rraalona... Gone Moruti/mong wa lona o mongwe fela, e bong Keresete” Mathaio 23:8.12.

Fa reka dumelela batho ba nama le madi go tsaya bonno ba Mowa o o Boitsepo-Jesu keresete mo matshelong a rona, seo ga se tiro le thato ya Mowa wa Morena fela ke tiro ya Mowa wa bo Nikolaitane. Mowa ona o thibela mmele wa keresete (e leng bana botlhe ba Modimo) go gola mo tumelong. Morena Jesu o re tsibosa gore o ila ditiro le dithuto tsa bo Nikolaitane (Bona Tshenolo 2:6).

Ke thato Ya Modimo Papa wa Mewa ya rona, gore botlhe bana ba gagwe ba mo utlwe fa a bua le bone, fela bangwe ba tshwana le Maiseraele fa ba raya Mose ba re: “A go bue wena le rona, retla utlwa; a Modimo a se bue le rona, re ka tla ra swa” Ekesodo 20:19. Fela ke Ntate o fe, ya a sa rateng gore bana ba gagwe ba itse lentswe la gwe? Modimo o rata fa bana ba gagwe botlhe ba ka itse lentswe la gagwe, mme ba mo utlwa, ke ka go a rometseng Mowa o o boitshepo go tla go tshela go badumedi botlhe.

Fa badumedi ba ba godileng mo tumelong ba busa dipelo, menagano le matshelo a badumedi ba ba sa golang mo tumelong. Badumedi ba , ba ka segole mo go keresete,

gape ba ka se itse go utlwa le go ithuta go tswa go morena ka bona. Ba tlile go ikanya baruti ba nama le madi go ba kaela tsela ya Morena matshelo a bona otlhe mme batla nna ntse e le masea, ba sa utlwelele, le go latela Morena ya tshelang mo go bone. Mowa o o boitshepo o tla tshela mo go bona mme e tla nna eketse Modimo ga a yo mo go bona.

Go Buswa Ke Morena Jesu

Fa barutwana ba ne ba bidiwa ke Morena Jesu, ba mmone ka ga ele Moruti was bona mme ba mo sala Morago. Keresete o tshepitsitse go fa Mowa wa gagwe gore a tshela go batho botlhe ba ba mo dumetseng. O ne a re: “Ke tla kopa Papa, mme o tlaa lo naya Mogomotsi yo o ka se tsogeng a le tlogetse, o tla legogela mo nneteng yotlhe, e bong Moya yo o boitshepo” Johane 14:15.17

Keresete o a tshela, o goleditswe mo tulong ya tlotlo, jaanong jaaka a ne a tshepitsitse Mowa o o Boitshepo o tlile. Jesu o rile go ka nna molemo ko go lona fa ke ka tsamaya, go nne fa ke sa tsamaye mogomotsi ga a kitla a tla mo go lona. Goreng Mowa o o Boitshepo a tla mo go rona? Ke ka nthla ya gore Jesu Keresets o ile go Papa kwa magodimong! Ke bopaki bofe bo bo nnetefatsang gore Mowa o o Boitshepo o tlile mo go rona? Ke yona nthla e ya gore ya Jesu keresete o tserwe a ya go Modimo Papa. O rile fa ke ka tsamaya ke tla kopa Papa mme o tla romela Mowa o Boitshepo go lona (Johane 14:15.17). Buka ya Ditiro e simolola ka bopaki- Jeso Keresete a tsewa a ya go Modimo Papa. O tserwe a ya kwa godimo mo lerung ba ntse ba mo labile, mme ke fa ba sa tlhole ba monna (Ditiro 1:9). Jesu o ne a tshepisa barutwana ba gagwe a re “Ke a tsamaya, mme ke tlaa tla kwa go lona...lefatshe la bo lo sa tlhole le mpona mme lona le bo lo ntse le mpona...le tla itse fa ke le Mo go Rre, le lona mo go nna, le nna mo go lona” Johane14:16.20. Mo kgaolong ya Ditiro wa bobedi, re bona Mowa o o Boitshepo a tla go barutwana ba Jesu. A tla go dira bonno ba gagwe go bona, ka fa gare ga bona le godimo ga bona. Mongwe le mongwe o o nneng a le teng ka nako eo o ne a amogela Mowa o o Boitshepo (Ditiro 2:4). Sena se diragetse jaaka Keresete a tshepitsitse!

Ke eng se neng sa dira gore barutwana ba amogele Mowa oo Boitshepo? Ke ka nthla ya gore Jesu keresete o tserwe a ya ko lerung (Ditiro 1:9). Petro o tlhalosa a re “Jaanong keresete o goleditswe kwa lefelong le le kwa legodimong mo letsogong la moja la Modimo Papa jaaka a tshepitsitse o file keresete Jesu Mowa o o Boitshepo gore a o tshololele mo go rona, jaaka le bona e bile le utlwa kajeno” (Ditiro 2:33).

Ba amogetse Mowa o o Boitshepo ka gore Jesu keresete o ne a thatloga. Matshwititshwiti a batho a batlana le bopaki ba gore ba amogetse Mowa o o Boitshepo fela ba sa ntse ba sa tsamaye/ tshela ka Mowa o o Boitshepo. Ba batlana le motlholo wa diteme tsa molelo, kgotsa go bua ka diteme tsa manyeloi, ba lebala nthla ya gore Jesu Keresete o tserwe go ya go Papa a tsholetswa mme jaaka a tshepitsitse o rometse

Mowa oo Boitshepo. Petoro o tihalosa diteme tsa molelo e le sengwe se Juele a porofitileng ka sona. O rile se o le se bonang gompiano ke seo Juele a se bonetseng pele bogologolo (Ditiro 2:17 le Juele 2:28.32). Fela Juele ga bua ka go tla ga diteme tsa molelo jaaka bosupi ba Mowa o o Boitshepo. O buile ka batho ba bona dipone le ditoro, fela fa Mowa oo Boitshepo o tla Petoro le Baapostole ga ba bona dipono le ditoro ka ponyo ya leitlho. Ba bone diteme tsa molelo, Jaaka Modimo a buile “Mo malatsing ao, ke tla dira dikgakamatso (Juele 2:30).

Ka goo, re tlhoka go itemogela bo nnete ba gore Mowa o o Boitshepo o tshela mo go mongwe le mongwe wa rona. A re lebeng kwa go ena Morena wa matshelo a rona, gore a re tlatse le go re a re kaele, go re etelela pele, go re ruta le go re bontsha nnete ya botshelo ba ga keresete Jesu ka fa gare ga mongwe le mongwe wa rona. Sesupo sa nnete sa gore Mowa oo Boitshepo o teng go rona, kefa Jesu keresete a busa matshelo a rona, a tshela botshelo ba gagwe mo mmeleng ya rona. Ba le bantsi ba mmita Morena, mme nnete ke gore Jesu ga a rene, ga a buse mo matshelong a bona. Bona batho bao, ba ipusa ebile ba rena mo go bona. Mowa o o Boitshepo o tshela mo go rona, le mebele ya rona ke tempele ya gagwe, kgotsa ga re lemoge?

Pentekosete

Ka pentekosete kereke ile ya simologa, mmele was Keresete Jesu o ne wa simolola go gola. Mo pentekoseteng ya ntlha Mowa o o Boitshepo o amogetswe ke barutwana botlhe, Petoro o ne a amelela go fa bopaki le thero. Bangwe ba sa ntse ba tshwere mokgwa o wa gore go emelele monna a le esi tsatsi le letsatsi gore a fe thero. Fela ka pentekosete kereke e bonagetse, e bile ya etelelwa pele ke Mowa oo Boitshepo e seng ke batho.

Botlhe ba ne ba buswa le Mowa wa Keresete, barutwana ba bang le bone ba ne ba simolola go fa thero. Bangwe ba ne ba ya kwa, mme bangwe ba ya kwa, ba tsamaisa efangedi ya keresete Jesu. Se ba se dirile jaaka Mowa oo Boitshepo ne o ba iteletse pele o ba kaela. Tiro e ne e se ya ga Petoro mme e le ya Mowa oo Boitshepo.

Fa kereke mmele wa ga keresete o kopana, ga se tiragatso ya motho a le esi a bontsha ka ene ele moruti mme bangwe e le barutwana ba gagwe. Fa kereke e kopana mongwe o tla ruta, mongwe o tla bua tshenolo e e kgetegileng, mongwe o tla bua ka diteme, o mongwe o tla toloka se se buiwang ka diteme mme sengwe le sengwe se se dirwang se tla matlafatsa botlhe (1 Bakorinte 14:28). Go maswabi go bona kereke e re eya kerekeng! Keresete Jesu a ba raya a re le kereke, le mmele wa me, mme bona ba re nnyaya, rona re ya kerekeng! Kana ka kereke ba raya moago o o dirilweng kwa majwe le dithetse!

Jaanong Mowa o o Boitshepo o ka fagare ga botlhe mme botlhe ba tshwanetse ke go utlwa go tswa go Mowa le botlhe ba eteletse pele ke Mowa. Ke Mowa oo Boitshepo a

busang ntho ya Modimo, e seng batho! Ntlo ya Modimo ke badumedi botlhe, eseng majwe a kopantsweng ka dithetse. "Modimo ga a tshela mo dintlwaneng tse di agilweng ke diatla tsa batho" Acts 7:48. Modimo o tshela mo baneng ba gagwe ka Mowa oo Boitshepo. Boammaruri, re nyatsa Modimo le go rogaka setlhabelo sa Jesu ka go bitsa majwe kereke kgotsa ntlo ya Modimo. Potso kgolo ke gore a majwe ana le dithetse tsena, a ke mmele wa Jesu? A Jesu keresete o swetse a be a tsoga lesong, ka ntlha ya meago ena? Kgotsa ga re lemoge gore ke rona Moago wa keresete, le gore Modimo o tshela mo go rona? Go reng re rorisa meago e sele, fa Modimo a re moago wa gagwe, tempele ya gagwe, kereke ya gagwe ke batho, e seng meago e e agilweng ke batho kgotsa dithaba tsa lefatshe le? "Lo ntlo ya Modimo" Baefeso 2:9b. "Ka re, le lona jaaka maje a a tshelang, Modimo o ikagela ntlo ya semowa ka lona. Godimo ga mo le Baperisiti ba Morena" 1 Petoro 2:5. Goreng ntlo ya Modimo, kereke ya Morena, e aga meago e e sa feleng, e be e bitsa meago ena kereke? Go reng bana ba Modimo ba ipitsa ka maina a mantsintsi? Go reng Baperisiti ba Morena, ba sala baperisiti Morago? Setshaba se se ratang baporofeti ba maaka! Kgotsa re lebetse gore Jesus Keresete o rile "Ntshaleng Morago", Kampo re lebetse gore Keresete ga a swa, mme o a tshela, o tsogile lesong? Kampo Modimo o maaka?

Ko tshimologong ba dumedi ba ba matlafetseng mo tumelong, ba e leng baapostle, baaporofeta, baefangedi, bareri le baruti, ba ka dirisa ke Mowa oo Boitshepo go ruta badumedi ba bantsha nnete ya Modimo, gore batho ba Modimo ba nonofe moweng mme ba kgone go dira tiro e a ba bileditseng yona. Fela mokaulengwe mongwe le mongwe o tshwanetse go gola mo keresete. Ke ena a dirang gore mmele otlhe o gole sentle mmogo. Gore karolo ngwe le ngwe ya mmele e dire tiro ya yona e e kgetegileng, e thusa dikarolo tse dingwe go gola. Gore mmele otlhe o itekanele, o gole mme o tlale lorato (Baefeso 4:11.16). Botlhe ba ba dumetseng, ke bona mmele wa Jesu, ke bona kereke ya nnete mme Modimo o tshela mo go bona. Ke bona legae la Modimo mo lefatsheng le!

Ke kgale re tsietswa! Re fitlhile mo letsatsing le o le fetang Pentekosete. Ke letsatsi le nako ya gore mmele otlhe o gole mmogo mo tshwareganong ya tumelo le kitso ya Morwa wa Modimo. Botlhe ba gola mo Moreneng le mmele o fitlhelela boemo bo bo feletseng ba Keresete. Mokaulengwe mongwe le mongwe wa mmele wa Keresete a rutwa ke Morena, le go itse go utlwa go tswa go Morena ka bo ene. Gape karolo ngwe le ngwe ya mmele wa Keresete e eteletse pele ke Mowa oo Boitshepo, mongwe le mongwe a tsaya karolo mo botshelong jwa Kereresete.

Ka ntlha ya gore ga gona babogedi mo go Keresete le tlotso ya Modimo ga se ya ba banye ba sba tlhopilweng mme ke ya botlhe, e bile Modimo o tshela go botlhe bana ba gagwe.